

中國東方文化研究會歷史文化分會策劃
四庫全書存目叢書補編纂委員會編纂
北京愛如生文化交流責任有限公司贊刻

四庫全書存目叢書補編

齊魯書社出版

中國東方文化研究會歷史文化分會策劃
四庫全書存目叢書補編纂委員會編纂
北京愛如生文化交流責任有限公司贊刻

齊魯書社出版

四庫全書存目叢書補編

第九七冊

補編第九十七冊目次

東墅詩集二卷
〔明〕周述撰
臺灣漢學研究中心藏明景泰二年刻本
..... 一

尋樂習先生文集二十卷
〔明〕習經撰
臺灣漢學研究中心藏明成化刻本
..... 六〇

高吾靜芳亭摘稿八卷
〔明〕陳洪撰
臺灣漢學研究中心藏明嘉靖刻本
..... 一八三

宋金齋文集四卷
〔明〕宋諾撰
臺灣漢學研究中心藏明萬曆刻本
..... 二七六

春明稿三卷附填鄖續稿一卷
〔明〕徐學謨撰
臺灣漢學研究中心藏明萬曆十一年嘉定徐氏家刻本
..... 三八六

柴村全集十九卷附德滋堂歌詩附鈔一卷
〔清〕邱志廣撰
北京圖書館分館藏清雍正刻本
..... 四三〇

雙樹堂詩鈔一卷
〔清〕僧湛性撰
南京圖書館藏清乾隆三十七年重刻本
..... 六九二

東墅詩集二卷

〔明〕周述撰

臺灣漢學研究中心藏明景泰二年刻本

附《四庫全書總目·東墅詩集六

卷》提要

東墅詩集序

詩者本乎性情也性情
其正則辭達情暢不惟陶
冶性靈而能感召休徵有
關治教甚大豈易言哉自
三百篇後漢魏六朝作者
雖以辭調相高不能兼
衆體至唐作者有以振
衆體始備其聲和平觀楊
士弘所選唐音可見以故
宋元諸公以詩鳴者多宗
之洪惟

聖朝混一海宇三光五嶽之
氣完文運大興作者迭起
俱能鳴

國家雍熙之治較諸古人誠
不多讓有若左春坊左庶
子吉水周公其尤善鳴者
歟公名述字崇述別號東
野生文獻家襟懷夷曠與
物無忤力學制行才譽益
彰與從弟孟簡同登永樂
甲申進士第

太宗文皇帝御批其廷試策

云文足以達義辭足以達
理兄弟齊名古今罕比罔
俾二蘇專美前世與孟簡
同入翰林俱為編脩縉紳
榮之後

大駕巡狩北京時

仁宗為東宮監國選公輔

後隨侍至北京陞左春

左諭德兼翰林院侍讀

階奉政大夫脩正庶尹脩

國史賜諡褒崇榮及乎親

東宮即位入侍

經筵進講有以感動

淵衷賞賜優渥寵眷益隆爰

自擢科久居待從經事

四朝受知

列聖在廷諸公莫不推重所

作歌詩衆體兼備其辭醇

而雅其聲和而平盖由性

情之正出於自然有非刻

意雕琢以為奇者比可不

謂善鳴者歟矧其文章高

古有經濟之才惜夫不及

陞庸以疾卒于官也其家

嗣錚夙承庭訓恪守家範

由國子生今為廣州府通

判佐政公勤卓有能譽間

取公平昔所作編成鉅帙

以公別號名之曰東墅詩

集求文為序顧予衰邁不

足以發揮然與公托交有

年誼不可辭遂書此於首

簡云

景泰二年歲次辛未冬十

一月中澣正議大夫資治

尹禮部左侍郎致仕羊城

陳璉廷器甫序

東野詩集卷之一

頌

廣州府通判男等編

北京新都頌有存

帝王之興必肇創鴻基為

國家萬世之業然在乎繼承纂述能成其先

志則

上天必出奇祥異瑞以彰顯之然嘗歷觀古昔

未有如我

國家今日之盛也洪惟

太祖高皇帝平一海內定鼎南京欲復都于北

而未果故特命

皇上建國于茲此其意蓋有所屬也

皇上纂述鴻業肇建兩京蓋以成

太祖高皇帝之志而為萬世之永圖也夫南京

號為東南形勝之域表以鍾山帶以長江

龍蟠而虎踞真帝王之都也至若北京西

連太行北控居庸東抵碣石南引淮汴而

四方萬國道里之適均此誠天造地設蓋

有待於今日者也故自營建以來百工無

民乃太和會而梗楠豫樟之材瓊琳文綺

之石天特發其奇藏神運而至人用不勞
凡遇有所創而祥雲瑞霽疊至皆臻百工
庶民萬日共觀莫不歡欣踴躍奔走以趨
事蓋自

南郊

山川

宗廟

社稷殿庭宮闕門闥以及于苑囿城池不踰年
以成而皆如南京之制高明闕廊巍然煥
然迺者大

詔天下以永樂十九年辛丑正月甲子正位

宸極郊

天告廟神靈歡悅既而

駕還天宇廓清御雲見彩燁煌續紛照耀八表

皇上乃服袞冕御

奉天殿朝羣臣羣臣咸拜手稽首稱賀維時

九夷八蠻與夫麒麟龍馬白鳥玄兔之瑞

皆集于

闕下誠曠古之所未有而今日之獨盛者也
昔周文王作邑于豐而武王復都于鎬故

其子孫享國益於悠久而不替天下後世
猶以善繼善述稱頌

皇上以聖繼聖建茲兩京修新都邑經略規畫

悉出

宸衷況夫兩京地踰豐鎬帶其繼述之善又

武王之所敢望而及哉臣伏觀

皇上即位以來每有所建靈貺輒臻矧營度

邑又事之大者而

天復屢出嘉祥以彰顯之誠

國家萬萬世之鴻基

聖子神孫萬萬世之鴻業也臣述備貢詞林

業文字不揆淺陋謹撰頌一篇以傳示

無極頌曰

天啓

皇明景命顯膺於

皇太祖定鼎南京鍾山龍蟠石城虎踞巖巖

皇畿赫赫天府將都于北志不及施惟我

聖皇紹即鴻基巍巍兩京實茲始建

太祖之志克循以踐猗歟冀都神秀之鍾太行

西來碣石在東控以居庸引以淮汴厥惟

在中天心所眷廼相廼理載度載
之位協乾之經百工庶民川趨海
子來罔或敢怠有楚者石有瓌者材匪繫
人力神運而來凡興棟梁
天輒降瑞祥光卿雲無日不至萬民所瞻
雖嗟稱民庶展力般倭効能
皇有恩言戒以勿亟既衣以衣復食之食廼立
郊廟翼異崇崇廼建
社稷壇壝在中廼樹

宮闕上抗霄漢高門差我丹陛炳煥頌

卷一 四

園龍馬麒麟玄兔白鳥來游而訓
城百雉並峙乃跡金河其流並濟山川

華草木咸榮為民之祉為

國之禎四海既同萬方所覩弼航而來無有

遠邇禋于

郊廟告厥成功大輅言旋御雲在空廼設

廼位

宸極以朝羣臣以撫萬國

玉殿晨啓重門天開閣敞高明與天魏魏

鐘相宣韶韻偕奏有秩其筵有醇其酒海

錯陸球方丈前陳

恩意尤勤僕侏牝離咸亦以憐既嚼且舞詠歌
皇德羣臣拜稽颡言于廷惟此北京

聖謀所成皇矣

太祖配于上帝閱視新宮既降以喜八安中

煥發其祥北此基圖萬世其昌

聖皇萬壽致此神功振古弗有羣臣拜

聖皇萬年在周豐鑑曷克以肩聖古拜

聖皇萬歲

聖子神孫傳于永世

卷一 五

瑞應甘露頌有

臣述伏觀

呈上即位以來追惟

太祖高皇帝

孝慈高皇后創造之難致理之勤夙夜孝思

敬克慎故每有所建嘉貺輒臻乃永

亥冬十月甲子甘露降于

孝陵維時巡守北京

皇太子承以寶器遣使上獻

皇上復寵賜羣臣以昭

太祖

太后之錫於是羣臣拜手稽首咸言曰

皇上營建都邑肇新

廟宮

二聖在天監觀昭格悅懌于藝京既以彰

皇上至仁達孝之誠以為國家億萬年無疆之

慶也臣職在詞林躬親嘉瑞不勝欣躍謹

撰頌詩一篇以獻頌曰

惟

皇太祖天命顯膺惟

皇太后坤德順承

二聖同心敷為至治化流當時裕垂後世績我

聖皇紹踐鴻基至德神功與天魏德

皇考妣仁恩罔極達孝親親夙夜無斁廼建

新都廼營新宮廼立

清廟翼聖崇宗

二聖上賓靈威有赫陟降伊通監觀悅懌

悅懌在

帝之傳帝心歡咎煥發其祥其祥繁何曰惟甘

露清滑灑灑徧覆爾布靡降于他降于

孝陵如水之潔如脂之凝如珠之綴如玉之瑩

璀璨流輝燁煌交映惟

皇太子肅恭是將承以寶器獻之明光

皇曰嘻哉曷其致此

考妣付予亦天之畀

皇敬愛之後錫羣臣羣臣飲之飴甘醴淳者

以豐養者以起大者以壽慶者以喜羣臣

蹈舞賜言于

延全哉

聖孝顯有明徵顯有明徵其貺孔厚惟

皇萬年惟

皇萬壽臣作頌詩播者榮章薦之

清廟永世彌昌

為善陰陽書頌有序

欽惟

皇上君臨大寶續承

太祖高皇帝鴻業夙夜孳孳圖惟至治蓋將

國家萬世之業天下臣民之慶也曩者

儒臣纂脩五經四書性理大全蓋以上承

堯舜禹湯文武周公孟軻之傳下啓濂洛

關閩之緒而以頒布中外俾知斯道之統
實有在公此也乃者萬機之暇復輯古今
名臣賢士為善之實而

御製論斷復系以詩又兩為序以寓其隸屬
之意名曰為善陰陽書成則以

賜於大小臣庶臣述受讀之知

皇上傳德勸善之心雖堯舜禹湯文武復何以
過此夫自古帝王之興必有典謨誓命之
詞然亦惟以傳詔令云善戒而已豈復若
皇上發自天衷親御宸翰導人為善以表率於

東華集卷一

天下哉蓋將使天下之人盡得而讀之知
古今名臣賢士身致顯融慶延于後者亦
施德為善之報爾傳曰善政不如善教之
得民也

皇上明德謹罰怡尚無為善政之施天下既
其惠矣乃今倦倦復勉人以善其善教
得於人者又將被其澤於無窮也於感昇
書之出殆如天地之涵煦於萬物雨露之
沾灑於群生日月之照臨於萬方如叔票
布帛天下不可一日而無者也則夫是書

之得人皆喜誦而樂行之將使
家為忠良殘刻者悉務為仁厚真
國家萬世無疆之休天臣民之所永賴者
也臣述職在禁林伏觀
聖訓不勝感激謹拜手稽首獻頌曰
赫赫

皇明文治肇興顯顯
太祖天命誕膺於惟我
皇續承鴻業文武聖神重華克協恩洽四海德
被八紘善化所及溢為頌聲惟

東華集卷一

九

皇風夜治務醇樸講論道德緝熙聖學迺闢東
觀迺命儒英曰惟性理集茲大成學既有
源道斯有統繼天建極萬世所重惟天孔
昭陰陽下民惟

星相天興善施仁考觀名臣粵亦為善慶流于
後身致顯融曷為世勸豈不在茲宸嘉謨
飾維論與詩

宸翰天章日輝月耀雲漢昭回光被八表臣拜
手稽首大哉

皇言善政所被如水赴淵焉其流為惟善臣前

陽施陰報毫髮不爽臣拜手稽首
皇聖神欲俾斯世俗化咸醇臣觀是書

式與國稱昌永世無極

五言古詩

送吳俞都御史

朝日照廣陌銀鞍五花驄送行盡冠蓋宴餞出
城東明公秉臺憲荷此恩命隆豈惟厚望重
既乃周學充矧茲紀綱地顧托出宸衷揚激
精鑒操持務公忠清風洒赤甸勁氣摩蒼穹
威聲凜秋肅和氣回春融睽違惜別離所希直

勲功豈不念申章名位宜兼崇

送楊學士弟歸閩分韻得深字

祖帳出都門車馬亦何麗四座列華簪宴饌
朝貴瓊觴湛綠醕慷慨無辭醉昨從故鄉來遠
道未易致豈不憚艱難所念在同氣伯兄在詞
死亂命無兩制名聲溢中朝文采重當世久
別良契潤嘉會誠足慰殷勤康樂情繼繼連
意如來春尚早及歸秋已至况于英妙齡而懷
隱志賢才咸登庸丘園寧久滯母為羣往哲
白首釣清渭

門有車馬行送河南蕭布政

門有車馬客駕言發京師歸跡已在御征衣
已載晴華轍耀革紅朱纓綬金駢祖帳出東門
冠蓋滿路岐英豪儼纓綬四座生光輝
相酬借問將焉之皆云赴河洛旬宣自維維
臣方裁寄樹此昇翰宜負荷既足勝謀猷克
安用悲努力樹勲業永矣長相思

鄧同知愛桂堂

南園有桂樹挺拔何堅貞繁陰嫗翠蓋上洽寧

蒼冥駢柯競鵲鵲列蔭紛嶧嶧鄧君匪一枝燕
山本同榮雨露之所滋雪霜寧見侵一朝值世
變自擬隨榛荆巨焰恣燔黠羣卉俱飄零事惟
茲植存孰識造化情歸然出餘烈倪仰喻百齡
種植正先德滋植賴雲仍本根既縣延顯耀宜
嗣承緬惟觀物珥遠大斯足徵

送王都御史

明公英特奚父攬臺憲綱風化賴裨益濁清資
激揚慈母念久違道遠不得將而蒙聖主恩
賜歸拜高堂金綸出太賚寵眷誠匪常公卿

相餞

柳倚

光十

工不

關心

韓相

公今

題畫

園林雨初霽花卉

芳馨况逢晴日喧

此寧無情物性况

石盡醉馬用醺

劉氏移書

致昔遊口

二意

為為

彼黃金

奉

泥然

正

陶情遂茲中懷暢豈為外物與厚爵豈不貴素

心非所榮高風激類波千載揚其清

雪臺琴樂

彈琴高臺上憐心遠古前好風來自南飛雪皓

且鮮吟吟七弦動清興何超然雅調古所愛新

聲復誰傳識此中趣非君孰能宣

張知縣春暉堂

我誦東野吟因知張侯意張侯有慈母道遠

易致當時手中線一一在衣袂崇爵非不耽官

守嗟父繫高堂違甘旨終夕勞夢寐長懷吳

德生物罔不被母恩諒若斯鞠育情愛至

寸草心以報春陽惠

遊大報恩寺

朝出城南門徐行造禪宮飄飄寸心悠遂遊衆

途通遠公出歡迎一笑開房櫺黃金布寶地紺

宇盤鵬龍迴臨九霄上高出五雲中俯仰炳丹

青僊塔何玲瓏經翻聽清梵僧飯聞華鐘追尋

遂忘倦引睇殊無窮 聖明弘象教恩與乾

同名制布 京畿孰敢希其聖境幽慮俱遣心

曠神自融茲遊願已愜清興殊未終寄語後來

著勝覽直寄逢

信實堂為胡孟信題

山水多佳麗茲堂宅其幽直城聚客出北石
木稠陽林煥晴曦陰間迴清流信美愜清賞
荷遠茲遊親朋或時集談笑屢留真醇風
尚巧儔識為尤即中謝情曠營營非所求

送曾希贊還江西

嚴冬北風勁飛雪何紛紛念子懷舊鄉遊時
南轅斯遊非所樂况重同氣親如何昔連枝
忽隔九京鵲鶴在原野哀鳴失其羣山川遠

遠丹旆何翩翩臨行毋以贈所貴平生言惜
上留田今古同悲辛感茲氣誼厚豈愧為弟言

挽沈氏母

落葉不返樹逝波無還流傷心堂上人欲見
何由昔時處華屋一旦委山丘仰瞻林中鳥飛
鳴向庭幽俯視堂章花零落傾頌憂玄壤永冥
翳歎息將焉求

友松軒為楊主事賦

蒼松何亭亭獨秀當座隅高枝入青冥綠葉何
紛敷風稟堅剛質自與凡材殊勁節恒獨持貞

心終不渝君子厲初志燕玩中懷舒靜撫
琴閒讀孔氏書明月出林際清風滿庭除對
若友生雅操期與俱所欣在濁沮出入承明
豈不懷丁生嘉夢應能符

題胡氏壽軒

人生會有歸斯理延其常百年能幾何訊若流
電光彭聃孰云壽奄爾之何方自非金石姿年
命焉得長茲山寔靈秀遂此卜幽藏脩短任大
化奚必較存亡宦空為我宅泉臺為我鄉達
有如此可以齊蒙牟

泉司直百泉臺

百泉何冷冷奔走雁于河泉上誰家墳蒼松鬱
崇阿云是晁氏先佳城鬱嵯峨香香東朝叟懷
恩將若何薌榮遠就養命駕欣相過乃以清潤
流時之金巨羅念茲泉臺隔况復霜露多
有餘愴逝水無回波惟應太史言永久昭不磨

挽許主中書子也

憶子纔十齡隨父來京師容顏冰雪映文
鸞鶴姿鶴章騁辭賦見者咸嗟咨共謂登青
遽爾乖素期回也命云短十載徒傷悲

昔與子相識旦暮常共歡今與子相違何由見
容顏白骨委黃壤蒼松閱青山詩書醫流塵琴瑟
不復彈徒令卜子夏哀慟增新歎
朝出城南門遙望鳳凰臺臺前有孤墳但見蒿
與萊慨彼泉下一往不復回憂思增煩鬱夢
想徒徘徊惟應平生志未遂良可哀

質樸軒

唐虞世云遠淳風日澆漓大樸既已散巧偽漸
無滋頽波竟東靡落景復西馳若人具奇質好
古心孜孜周公不復夢其笑嘆吾知維歡聖
言吟詠雅誦詩獨取鳴琴彈但惜知音稀何由
踵先躅宣尼其我師永言保終始聖賢可同歸

一樂堂

人生有至樂所樂在天倫弟兄既無故父母亦
具有紫荆秀連枝叢管藹靈椿壺觴迭爲壽墳
墓相宣悠悠天地間茲樂誰具論如何百世
後此道誰能敦借耆慮德色閱墻乖至親傷哉
骨肉情感嘆徒悲辛薄俗曷由撲澆風寧復醇
安知孝友人至性出天真永言慕前賢可與同
君陳

劉潛草庵

結鄰臨清流蕭散豁冲襟清風入坐戶明月出
遙岑閑讀几上書靜撫窓間琴雖令簪組幸
無塵慮侵草居忘遠謫抱膝聊長吟倪一室
內焉知外興沉

九龍山人畫竹

九龍之山人蕭洒出塵表平生愛畫竹揮筆臨
風詔翠影漾華縑風聲入叢篠蕭湘宛在目鸞
鳳下飛鏡悵望何時來長歌碧天杳

曹貞母挽詩

婉婉閨門秀貞母淑且良結縭事夫子朝夕在
姑傍如何中道乖鳳飛別其凰仰笑向青天流
淚沾衣裳遺姑若有托豈不念同藏膏沐寧復
施鸞鏡黯無光寒燈明敗帷素月照空房華髮
映赤心厲節如水霜天道豈無知有子斯猶
烈哉丈夫志寧愧古共姜回看墳上柏終歲猶
蒼蒼

九日分韻得歸字

人生百年內歡樂當及時况茲九日至嘉菊欣
應期芳蕤凝朝露艷色艷晴曦賓朋競云集賞

龍良在斯雍雍式多暇濟濟咸有儀置酒臨花
飲衆芳藹華滋笑談博諧謹觴酌歡相持顙英
泛銀爵鳴琴遞金徽顧令東野間丹物生光輝
寧憂紅芳歇但恐白日馳茲長諒難再盡醉無
辭歸

上己分韻得澤字

暮春天氣和惠風布甘澤浮雲散逗句飄日明
楚陌百卉欣向榮好鳥鳴相得况逢脩禊辰塵
抱思一滌英僚追舊俗暫假中禁直列宴金城
西其醉清樽側雖無絲竹娛亦有觴詠適洛水
焉可期蘭亭已陳迹嘉會方在今浩懷徒慕昔
茲晨惜難遇不樂復何益

題畫

青山天際出白雲巖下宿嘉樹結層陰懸崖瀉
飛瀑路迴度遙壑川長引平陸夕濟猶移舟晨
耕尚驅犢有客抱素琴幽期在空谷我欲亦攜
書來共西齋讀

郭主事安澹軒

達士安所獲澹然諧素冲端坐惟一室陶器與
絲桐膏粱非所樂蔬食聊自充文繡非所悅布

褐足庇躬孰二
書仰觀雲間
狂馳子騁足希高蹤

蕭主事東野草堂

結茅向東野曠望得佳趣微岑入暎暎迤迤引
開步初日曠高林好鳥鳴深樹境勝欣有得神
怡澹無慮懷才膺明薦佐邑藹芳譽仰瞻東山
雲回瞰西江路何當賦歸歟庶以慰風慕

挽姑蘇鄭士

人生孰無死有若鴻毛輕焉知賢達人沒有身
後名休依奉親孝惻惻濟世情金貨償不責焚
券心始寧抱疾餽藥物塗死出哀矜平生脫畧
懷寧使康庚盈願言墓前哲千載揚清芬

王氏厚本堂

三前有高槐鬱鬱生繁枝綠陰滿中庭秀色
三茲本根日云盛培植良在斯前人需所施
亂絲麻支慶澤尚流衍遠大固其宜願言繩祖
武永世長若茲

漁溪

我懷滄浪客愛此清溪清投竿每得魚取之不

願盈悠然動觴酌盡醉寧復醒醉後輟高歌臨
流濯長纓即此有真趣焉知世上名

康生警敏齋

之子在京華為學能自許清趣既超理會
妙已領何殊玉出璞豈異錐脫穎散帙寧夕惟
聞禮趨晨省鳳毛五采聚已向青雲整

半畝方塘

方塘深且廣蕩漾微颺起游魚戲清波輕鷗泛
流水荷氣曉吹香霞光晴散綺清冷真可挹塵
慮自茲洗

九迴曲澗

曲澗紆九折流水自迴縈雨餘春漲滿月出寒
波平曾聞躍馬度時有考槃行誰識滄浪客長
歌思濯纓

雙桂谿橋

長橋卧寒波雙桂隱秋月清溪明若鏡虹影帶
不滅瓊林墜金粟十里香風發誰家馬上郎却
向橋邊別

松崖為朱僉事題

亭亭千丈松喬生碧崖陰文風起幽谷宛若

鶴音不隨春花榮豈受秋霜侵焉知賢達士愛
重比瓊琳以此冰雪襟托彼君子心幽尋諧素
志靜對豁煩襟高步升外臺陳力懷周任芳聲
振寥廓勁氣同蕭森丁生夢可協奮舉期在今

送李御史往廣東

江石召名邦君才世稱美昔為榜中傑今作柱
下史雄勢動山嶽英聲振風紀此行殊特達嶺
南萬里遠乘玉花驄應令行者止風霜隨使
節瘴清可擬將命承寵光別離方在此所
願秉貞心榮名日茲始

閭闔篇

煌煌白玉京中第拱皇居義我閭闔門瓊瓏
交綺疏初賜麗丹枕斜月明金鋪平旦天中開
黼衣臨前除使君驄馬來遙望心懷舒
補服華珮鳴瓊琚白簡飛秋霜丹悃紆洪謨
名動朝者輝光溢天衢拜辭出魏闕飄飄即長
途深恩諒懷報行矣毋躊躇

受益齋

聖賢去已遠遺言在書詩人生霄壤間不學將
奚為為學豈他求傳道貴有師群疑遂茲析